

ժամանակակիցները գնահատել են արժանապէս Պոռ-
եան տան նշանակութիւնը, անուանելով Պոռչին «զարդ
հեծելի, որ դերկաթի դուռն առնէր փոշի, ալ ու բազուկ
նոր Սիոնի, հիմն հաստատ հայոց հաւատի»:

Պոռչեանց գործունէութիւնը քաղաքական եւ հա-
սարակական ասպարէզում, նրանց շինարարութիւնը,
կառուցած վանքերն ու բերդերը լուսարանուած են ա-
մէն կողմէ այն հատորում որ Գարեգին Սրբազանը լոյս
է ընծայել Երեւանում 1928 թուին: Ներկայ հատորը
նուիրուած է բացառապէս նոյն առճամի հովանաւորու-
թեան ներքոյ ծաղկած հոգեւոր կեանքի, մտաւոր հո-
սանքների, որոնց կենտրոններ հանդիսացան Կեչառի-
սի, Այրիվանքի եւ Գլաճորի գիտնական մենաստան-
ները:

Այս հատորի եւ թէ արդէն լոյս տեսածի ատաղձը,
հիմը կազմող փաստացի նիւթերը գումարուած են ա-
ռանձին հատորում, կցած աշխատութեան որպէս եր-
րորդ մաս կամ հատոր: Սա բաղկացած է երեք բաժ-
նից. առաջինը պարունակում է մերձաւորապէս երկու
հարիւր արձանագրութիւն* երկրորդը մօտ հարիւր ձե-
ռագրական յիշատակարան, եւ երրորդը՝ մի տասնակ
եւ աւելի մատենագրական նշխարներ: Յատուկ ուշա-
դրութեան եւ գնահատանքի արժանի է մանաւանդ այս
ժողովածուն, որ հեղինակը յաւելածական է համա-
րում, բայց գործի ամենէն կարեւոր եւ մնայուն մասն
է: Ճշմարիտ է որ արձանագրութիւնների եւ յիշատա-
կարանական քաղուածների մեծագոյն մասը նախապէս
յայտնի էր հայ բանասիրութեան, շնորհիւ Շահխաթուն-
եանի եւ Ջալալեանի եւ Մխիթարեանի գործերին, որոնց
լիակատար ամփոփումը տուել է Հ. Ալիշան «Միսական»
եւ «Այրարատ» երկերում, բայց եւ այնպէս Հ. Գարե-
գինի ժողովածուն ունի նորութեան բոլոր առաւելու-
թիւնները: Անձամբ եւ տեղի վրայ ստուգել է գրեթէ
բոլոր արձանագրութիւնները, որ իր նախորդները ար-
տագրել են եւ աւելացրել նորերը: Ծրջել է բաղմաթիւ
վայրեր եւ վանքեր չէն թէ աւերակ, Բջնից սկսած մին-
չեւ վայոց Ձոր եւ Ջահուկ, դիտել եւ նկարագրել եւ
երբեմն լուսանկարել այցելած վայրերը, չէնքերի դեր-
քը, ներկայ վիճակը, նշանակել է հաւատարմօրէն ար-
ձանագրութիւնների տեղը պատերի վերայ եւ ո՞ր մա-
սում, թէ փլատակների մէջ, մի խօսքով նախատեսել
է բոլոր պարագաները որոնք կարող են որեւէ նկատու-
մով պիտանի լինել հետազօտութեան ժամանակ: Հա-
մեմատել է տեղն ու տեղը առաջուց ծանօթ արձանա-
գրութիւնների պատճէնները եւ սրբագրել ամենայն բա-
րեխղճութեամբ եւ մասնագէտի սուր եւ զիտակ աչ-
քով: Չկայ համարեայ մի արձանագրութիւն, ուրիշ-
ներից արտագրուած, ուր որեւէ ուղղում կատարած
չլինի, բառ թէ տառ, թէ ամբողջ նախադասութիւն եւ
մանաւանդ տեղի եւ անձանց անուններ:

* Ի նկատի չի առնուած ուսումնասիրութիւնների
ժամանակ մէջ բերուած ամբողջական արձանագրու-
թիւնները:

ՀԵՂԻՆԱԿ

Նոյն վերաբերումը նկատելի է եւ ձեռագրական
քաղուածների վերաբերեալ: Նշանակել է ձեռագիրներ-
ը, նրանց թուականները, եթէ յայտնի են, գրութեան
տեղը, գրիչը եւ մանր հանգամանքներ, որ կարող են
նպաստել յիշատակութեան պատմական, թէ գրական
արժէքը որոշելու:

Ահա այս եղանակով հաւաքել է մի կողմից ձեռա-
գրական յիշատակարանների մէջ թաքնուած տեղեկու-
թիւնները, միւս կողմից՝ մամուտած քարերի գրու-
թիւնները, զուգել, դասաւորել եւ կազմել ամբողջա-
կան պատկեր այնպիսի խնամքով, այնպիսի սիրով որ
հաղուազիւտ է մեր ամեն ինչ ուրացող դարում: «Հո-
գեւոր կեղրոնները» յառնում են իրենց տխուր աւե-
րակներից, քարերը՝ ծանրաբեռնուած գրութեամբ եւ
պէսպէս յիշատակներով սկսում են խօսել: Ձեր առջեւ
են չէն մենաստաններ, որ ծաղկում են վանահայրերի
հսկողութեան տակ, լի վանականներով, որոնք միայն
արթնողներ չեն, այլ վարդապետներ, ուսուցիչներ են,
որ «գաս են ասում», ճարտար գրիչներ են, որ արտա-
գրում են հնացած ձեռագիրները կորստից ազատելու
համար նախնեաց ժառանգութիւնը, շնորհալի ծաղկող-
ներ են, որ նկարագրողում են ձեռագիրները, եւ հը-
մուտ ճարտարապետներ, որ վերականգնում են աւեր
չէնքերը եւ կառուցանում նորերը: Բարեպաշտ մարդիկ
այր թէ կին, իշխանաւոր թէ համեստ աշխատաւոր,
չեն զլանում իրենց նուէրները մեծ հաստատութեանց,
զիտանալով որ այն տեղ են կուռում հայ ժողովրդի գոյու-
թեան հիմ՝ բարոյական հիմքերը:

Շնորհիւ Պոռչեան տան հովանաւորութեան սկսում
է մի մտաւոր շարժում, մի իրական վերածնունդ, որ
չուտով տալիս է պանծալի դէմքեր — Սաչատուր Կե-
չառեցի, Յովհաննէս Գառնեցի, Մխիթար Այրիվանե-
ցի եւ վերջապէս Գլաճորի Գիտուն Կաճառը բոլորուած
մեծ վարդապետի՝ Եսայի Նչեցու շուրջը:

Հ. Գարեգինը նկարագրել է խանդավառ ոգով այս
նոր հոսանքը եւ նորա բարերար ազդեցութիւնը հայ
արուեստի, գիտութեան եւ եկեղեցական քաղաքակա-
նութեան վերայ: Առանց խախտելու հին գրականու-
թեան եւ լեզուի իրաւունքները, այլ ընդհակառակն
մշակելով հին հեղինակների վերայ իրենց միտքն ու
աշխարհայեացքը, նրանք սկիզբն դրին նոր եւ աշխար-
հիկ բանաստեղծութեան: Սաչատուր Կեչառեցին,
Յրիկ, Յովհաննէս Երզնկացին միջնադարեան հայ քնա-
րերգութեան կարապետներն են:

«Հանցգուռն զինչ աշնան քամին որ քափի գտերե
ի ծառէն,

Հողմով մեղանաց իմոց գրկեցայ յախանց պսակէն»:

Ահա մի նմոյշ, որ նոր է եւ լեզուով եւ տրամա-
գրութեամբ եւ մինչեւ իսկ չափով, որ հետեւողութիւն
է բիւզանդական πολεμικὸς στιχὸς կոչուած չափածոյ
գրութեան: Ուշագրաւ երեւոյթ է:

Գառնեցու խրատներն եւս նորութիւն են իրենց
աշխարհային բնաւորութեամբ. «մի՛ լինիր կոշտ եւ կո-
պիտ, անհանձար եւ անիմաստ». «մի՛ մնացեն առ քեզ
վարձը վարձականաց եւ աշխատութիւնք մշակաց». «Վի՛